

Oqaluuserisassat pilugit nassuiaat.

(Inatsisartut Siulittaasoqarfiat)

Aningaasanik peqquserluutinik malunnarunnaarsaalluni iluanaarniuteqartarnerit pinaveersaartinniarlugit inatsisissatut siunnersuutit oqaluuserineqarnerannut atatillugu sulii inatsisissatut siunnersuutinik marlunnik ilanngussaartoqarnissaanik Naalakkersuisut nalunaaruteqarput.

Tassani pineqarput imm. 100, Inunnut aalajangersimasunut aamma ataatsimoortunut Usama bin Ladenimut, Al Qaidami suleqatigiiffinnut aamma Talibaninut attuumassuteqartunut killilersuinerimik isumannaallisatinik atuutilersitsinissamut tunngatillugu Inatsisartut inatsisaannut nr. xx, xx. xxxx 2010-imeersussamut siunnersuut.

Aamma imm. 103, Pinerliiniarnernik akiuiniarluni iliuuserisassat immikkut ittut pillugit Inatsisartut inatsisaannut nr. xx, xx. xxxx 2010-imeersussamut siunnersuut.

Immikkortut 100 aamma 113 siullermeerneqassapput ulloq 27. april aappassaaneernejassallutillu ulloq 12. maj kiisalu pingajussaaneernejassallutik ulloq 19. maj.

Kingusinaarluni nalunaarutiginninneq pissuteqarpoq ataatsimiinnissamut siunnersuutit arlaqarnerusut suliarineqartussaasut aatsaat qanittukkat danskit naalakkersuisunit maluginiarneqarsimmata. Siunnersuutit ataatsimoorlutik siunertaraat aningaasaqarnikkut ataqatigiissumik aaqqissuussinerup aningaasanik peqquserluutinik malunnarunnaarsaalluni iluanaarniuteqartarnerit pinerliinianiillu aningaasalersuinerit annertunerusumik pinaveersaartinniarlugit iliuuserisassat atuutilersinnissaat, siunnersuutillu taakku katersuunnermi matumani naammassineqarnissaat aalajangiisuusumik pingaaruteqarluni.

Immikkoortumi 90, 93, 94, 105, 110, 111 "Aningaasanik peqquserluutinik malunnarunnaarsaalluni iluanaarniartarnej" aappassaaneernejassaaq ulloq 12. maj, immikkoortulli 110, 111 "Aningaasanik peqquserluutinik malunnarunnaarsaalluni iluanaarniartarnej" ulloq 19. maj pingajussaaneernejassaaq.

Imm. 120, Siunnersuut uunga: Utoqqalinerimi pensionisiat pillugit Inatsisartut peqqussutaannik

allanngortitsineq pillugu Inatsisartut peqqussutaat nr. xx, xx 2010-meersoq oqaluuserissanut ilanngunneqarpoq ulloq 27. april siullermeerneqartussanngorlugu, ulloq 12. maj aappassaaniigassanngorlugu aamma ulloq 18. maj pingajussaaniigassanngorlugu.

Imm. 50, Kommunalbestyrelsit imigassaq pillugu ataatsimiiitalianik, imigassallersinnaanermut akuersissutinik suliaqartartussanik pilersitsinissaannut

Naalakkersuisut akuersissuteqaqqullugit peqquneqarnissaannut Inatsisartut aalajangiiffigisassaattut siunnersuut siunnersuuteqartup tunuartippaa, taamaattumillu UPA2010-mi oqaluuserisassanit peerneqarluni.

Imm.38, Innarluutillit ukiuni qulini atuartussaaitaanerup saniatigut ilinniaqqinnissamut periarfissaasa annertusarsinnaajumallugit Naalakkersuisut pilersaarummik 2011-mi saqqummiussaqaqqullugit Inatsisartut aalajangiiffigisassaattut siunnersuut siunnersuuteqartup Naalagaaffinni Peqatigiinni nunat inoqqaavi pillugit aalajangersimasumik ataatsimiittartut ataatsimiinnerannut peqataanissani pissutigalugu katersuunnermi kingusinnerusukkut oqaluuserineqassasoq qinnutigisimavaa. Immikkoortup ulloq 28. april. Siullermeerneqarnissaa aamma ulloq 18. maj aappassaaneerneqarnissaa siunnersuutigineqarpoq.

Immikkoortoq 113, Siunnersuut: Kalaallit Nunaanni sulitilluni ajoqusersinnaanermut isumannaarineq pillugu inatsisissamut siunnersuummut Inatsisartut aalajangiiffigisassaannut Naalakkersuisut oqaaseqaataat aamma immikkoortoq 115, Aningaasaliisunut aningaasalersuisunullu qularnaveequsiinermut aningaasaateqarfik pillugu inatsisip allanngortinnissaata atuutilernissaanut Aaqqiissut pillugu Namminersorlutik Oqartussat oqaaseqaatissaannut Inatsisartut aalajangiiffigisassaattut siunnersuut, ulloq 18. maj aappassaaneerneqarluti suliarinneqassapput.

Imm. 56, Kilisalluni aalisarnermi avatangiisimik ajoqusiisarnerit annikinneruler-sinnissaannut suliniutinik aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, UKA 2010-mut kinguartinneqarnissaa siunnersuuteqartumik qinnutigineqarpoq.